

SARS e loutša nepo ya yona go Ditrasete

Tshwane, 28 Setemere 2022 – Ditirelo tša Motšhelo tša Afrika Borwa (SARS) di katološa nepo ya yona go Ditrasete ka go thoma leeto la go mpshafatša le go kaonafatša ditirelo go sehlopha se se balefela motšhelo. Dikaonafatšo tše di nepile go dira gore go be bonolo gape go be bobebe bakeng sa Ditrasete go obamela boitlemo bja tšona tša semolao.

Go latela tše di lego ka godimo, SARS e dirile tshekatseko ka botlalo ya maemo a gabjale a obamelo ya motšhelo wa Ditrasete le baholegi ba tšona go bapetša ge eba Ditrasete le baholego ba tšona ba ngwadišitšwe le SARS bakeng sa merero ya motšhelo le ge eba Ditrasete ka moka le baholegi ba tšona fa faetše dipušetšo tša bona tša motšhelo wa letseno wa ngwaga ka ngwaga. Ge eba go bjalo, ge eba dipušetšo tše bjalo di tloga di laetša ka botlalo le nepo maemo a tšona a maleba a motšhelo gape boitlamo bja bona bja ditefelo bo phethagaditšwe ka botlalo.

SARS e šoma ka thata go oketša le go katološa tirišo ya data. Ka tshepetšo ye, SARS e laeditše palo e kgolo ya baholegi ba Ditrasete bao ba amogetšego dikabelo eupša ga sa nka ba romela dipušetšo tša motšhelo go ya ka boitlamo bja bona bja semolao go ya ka tsebišo ya setšhaba ya ngwaga ka ngwaga ya ka fase ga karolo ya 25 ya Molao wa Taolo ya Motšhelo wa 23 wa 2011.

Baholegi ba ke dikhamphani, batho ka noši le Ditrasete tšeo di swanetšego go romela dipušetšo tša motšhelo wa letseno tšeo di šaletšego morago le semetsing. Go palelwa ke go phošolla go se obamele fa, SARS e tlo diriša dipeelo tša molao tšeo di ka akaretšago dikgato tše bjale ka go godiša ditekolo tšeo di akantšwego, go fana ka ditswala le dikotlo gammogo le ditišo tša semmušo le tša bosenyi. Go ya ka ditebo tša leano la go fana ka tlhathollo le tiišetšo go kgontšha balefela motšhelo go obamela boitlamo bja bona bja semolao bjale ka ge go nyakega go ya ka molao, platfomo ya ngwadišo ya inthanete ya sebakana (SOQS) e a hwetšagalala go kgontšha Ditrasete go ngwadiša le SARS. Platfomo ye e ka fihlelelwa ka kgokangyo yeo e latelago: [SARS Online Query \(2.0.0.0 \(Prod\)\)](#).

Khomišinare ya SARS Mrn. Edward Kieswetter o boletše gore “SARS e tla tšea magato ka moka ao a beetšwego a semolao ge eba balefela motšhelo ba Ditrasete le baholego bja tšona ba dira ka bomo go ganana le boitlamo bja bona bja semolao. Le ge go le bjale, balefela motšhelo ba ditrasete le baholegi ba tšona ba sa ntše ba ka laola merero ya bona ya motšhelo ka go diriša Lenaneo la go Ribolla ka go lthaopa (VDP) leo le hwetšagalago gape le ka fihlelelwago go platfomo ya eFiling”.

Go hwetša tshedimošo enngwe, ka kgopelo ikgokaganye le SARSMedia@sars.gov.za